



Visoko sudsko i tužilačko vijeće Bosne i Hercegovine  
Visoko sudbeno i tužiteljsko vijeće Bosne i Hercegovine  
Високи судски и тужилачки савет Босне и Херцеговине  
High Judicial and Prosecutorial Council of Bosnia and Herzegovina



# Izgradnja nove zgrade Odjeljenja Općinskog suda u Visokom smještenog u Olovu



*Olovo, maj 2018. godine*

# Osnovne informacije

<b>Općinski sud u Visokom:</b>	13 sudija, 3 stručna saradnika i 49 uposlenih	<b>Izvođač radova:</b>	Kolinvest Sarajevo
<b>Inicijator projekta izgradnje:</b>	Visoko sudsko i tužilačko vijeće Bosne i Hercegovine (VSTVBiH)	<b>Nadzorni organ:</b>	Safege Bosnia
<b>Donator:</b>	Vlada Norveške	<b>Trajanje projekta:</b>	oktobar 2017. – maj 2018. godine
<b>Partner na projektu:</b>	Vlada Zeničko-dobojskoga kantona i Općina Olovo		



Visoko sudsko i tužilačko vijeće Bosne i Hercegovine  
Visoko sudbeno i tužilačko vijeće Bosne i Hercegovine  
Високи судски и тужилачки савет Босне и Херцеговине  
High Judicial and Prosecutorial Council of Bosnia and Herzegovina



## Finansiranje projekta izgradnje

VSTV BiH je sredstvima projekta „Unapređenje efikasnosti pravosuđa II” (PUEP II), koji finansira Vlada Norveške, nastavio niz uspješnih projekata rekonstrukcije i modernizacije pravosudnih institucija u Bosni i Hercegovini te započeo izgradnju potpuno novog objekta koji će služiti uposlenicima Suda, kao i građanima. Vlada Norveške podržava modernizaciju pravosudnih institucija u cilju povećanja efikasnosti rada i pružanja boljih usluga građanima te je odlučila finansijski pomoći izgradnju moderne zgrade Odjeljenja Općinskog suda u Visokom, smještenog u Olovu, i opremiti ga uredskim namještajem.

Vrijednost ugovora za izvođenje radova na izgradnji nove zgrade iznosi 620.000,00 KM, a za nabavku namještaja i opremanje izdvojeno je 35.000,00 KM.

Vlada Zeničko-dobojskoga kantona je u 2013. godini izdvojila sredstva za izradu projektne dokumentacije te za izdavanje potrebnih dozvola za građenje.

## Predsjednik Visokog sudskog i tužilačkog vijeća Bosne i Hercegovine Milan Tegeltija

Potpisivanjem Memoranduma o razumijevanju između Ambasade Kraljevine Norveške u BiH, Ministarstva za pravosuđe i upravu Zeničko-dobojskoga kantona, Općinskog suda u Visokom, Općine Olovo i Visokog sudskog i tužilačkog vijeća Bosne i Hercegovine (VSTV-a BiH) u julu 2017. godine označili smo početak procesa izgradnje nove zgrade Odjeljenja Općinskog suda u Visokom smještenog u Olovu.

Ovaj važan čin predstavlja nastavak saradnje VSTV-a BiH i našeg dugogodišnjeg partnera Vlade Norveške na unapređenju efikasnosti pravosuđa.

Efikasan rad pravosudnih institucija jedan je od osnovnih preduslova na putu ka evropskim integracijama, posebno u svjetlu podnesene aplikacije za članstvo u Evropskoj uniji od strane Bosne i Hercegovine i svih budućih obaveza i aktivnosti kada je u pitanju sticanje statusa kandidata države članice Evropske unije i početka procesa pregovaranja.

Pravosuđe u Bosni i Hercegovini ne može funkcionirati efikasno i biti u skladu sa evropskim standardima ukoliko fizički uslovi rada nisu zadovoljavajući, zato je rekonstrukcija i izgradnja pravosudnih institucija u Bosni i Hercegovini izuzetno važna za ukupnu reformu pravosuđa.


Naši napori ne bi imali tako dobre rezultate da nismo imali podršku međunarodnih donatora. Za izgradnju nove zgrade Odjeljenja Općinskog suda u Visokom, smještenog u Olovu, Vijeće je izdvojilo sredstva putem norveškog granta projektu „Unapređenje efikasnosti pravosuđa II“.

Danas s ponosom možemo konstatirati da je u mnogim pravosudnim institucijama u Bosni i Hercegovini, obnovom vanjskog izgleda zgrada i unutrašnjom prostornom reorganizacijom, stvoreno ugodno radno okruženje za sudije i tužioce, kao i za građane, koji, iz različitih razloga, koriste usluge pravosudnih institucija. Iskreno me raduje što smo ugodno i adekvatno okruženje osigurali i za nosioce pravosudnih funkcija Odjeljenja Općinskog suda u Visokom smještenog u Olovu.



*Milan Tegeltija,*

*Predsjednik Visokog sudskog i tužilačkog vijeća  
Bosne i Hercegovine*



Vijeće će i dalje ulagati maksimalne napore u proces obnove zgrada sudova i tužilaštava u cilju dugotrajnog rješenja smještajnog kapaciteta i efikasnijeg rada pravosudnih institucija. Štaviše, rekonstrukciju i modernizaciju objekata pratit će i adekvatna opremljenost IKT, audio i videoopremom kako bismo postigli veću efikasnost u radu pravosudnih institucija.

Vlada Norveške je iskren prijatelj bosanskohercegovačkog pravosuđa i postojan partner Visokom sudskom i tužilačkom vijeću u procesu rekonstrukcije pravosudnih institucija i drugim reformskim aktivnostima.

## Direktor Sekretarijata VSTV-a BiH Admir Suljagić

Svjesni smo neophodnosti unapređenja efikasnosti pravosuđa u Bosni i Hercegovini i uspostave potpuno funkcionalnog sektora pravde u našoj zemlji u skladu s najboljim standardima i uvjeren sam da su i projektne aktivnosti usmjerene na modernizaciju objekata pravosudnih institucija važan dio u ovom procesu.

Zahvaljujući uvođenju inovativnog pristupa unapređenju rada pravosuđa i kontinuiranim zalaganjima VSTV-a BiH, odnosno njegovog Sekretarijata u ovom domenu, međunarodni donatori, a posebno Vlada Norveške, prepoznali su VSTV BiH kao ključnog partnera u izgradnji i očuvanju efikasnog, transparentnog, nezavisnog i modernog pravosuđa u Bosni i Hercegovini. Uz značajnu i efikasno planiranu finansijsku podršku, Vlada Norveške je investirala značajna sredstva putem više projekata usmjerenih na unapređenje rada sudova i tužilaštava u vrijednosti od 30 miliona KM. Ova sredstva su utrošena za potrebe krajnjih korisnika, pravosudnih institucija, a sve radi pružanja boljih i efikasnijih usluga građanima.

Većina pravosudnih institucija u Bosni i Hercegovini dugi niz godina nije imala kapitalnih ulaganja, odnosno ulaganja u infrastrukturu, niti je zadovoljavala osnovne standarde u pogledu sigurnosti sudija, funkcionalnosti sudnica, pisarnica i arhiva, zaštite svjedoka, odgovarajućih prostorija za advokate i njihove klijente, te pristupa za invalide, što direktno utiče na efikasnost pravosuđa.

Strateškim planiranjem i direktnim zalaganjem Sekretarijata VSTV-a BiH inicirana su ulaganja u kapitalne investicije. Prva podrška za ovu vrstu ulaganja došla je od Vlade Norveške. U proteklom periodu implementirane su aktivnosti rekonstrukcije, izgradnje, adaptacije i opremanja mnogih pravosudnih institucija – sudova i tužilaštava koji su imali hitnu potrebu za proširenje ili nadogradnju prostorija. Raduje nas da smo mogli pozitivno odgovoriti na njihove zahtjeve.

Norveška je bila primjer i drugim donatorima i ukazala je na svrsishodnost i povezanost aktivnosti koje se odnose na unapređenje poslovnih procesa u sudovima i funkcionalno unapređenje radnog prostora. Tako je i ovaj put Vlada Norveške uvidjela loše stanje i prepoznala potrebu Općinskog suda u Visokom te odlučila putem projekta „Unapređenje efikasnosti pravosuđa II“ finansijski pomoći izgradnju Odjeljenja Suda u Olovu.



*Admir Suljagić,*

*Direktor Sekretarijata VSTV-a BiH*



Zbog svega navedenog, uz dužno poštovanje, zahvaljujem našem donatoru Vladi Norveške, kao i sudovima za podršku prilikom implementacije svih aktivnosti projekata, odnosno Vijeća.

Sekretarijat VSTV-a BiH će sa donatorskom zajednicom u Bosni i Hercegovini nastaviti provoditi aktivnosti unapređenja rada pravosuđa i implementacije dobrih praksi usmjerenih na poboljšanje pružanja usluge građanima.



### Ministar pravosuđa i uprave Zeničko-dobojskoga kantona Mirnes Bašić

Jedno od strateških opredjeljenja Vlade Zeničko-dobojskoga kantona je osiguranje što boljih fizičkih uslova za rad svih pravosudnih institucija na području koje administrativno obuhvata Zeničko-dobojski kanton.

Efikasno pravosuđe, koje će odgovarati evropskim standardima, ali i očekivanjima i potrebama svakog građanina Kantona, preduslov je uspješnosti svake, pa i Vlade Zeničko-dobojskoga kantona.

Cijeneci značaj ovog projekta, Vlada Zeničko-dobojskoga kantona sufinansirala je i osigurala finansijsko učešće, i to kroz:

- osiguranje zemljišta;
- pripremu projekta i projektne dokumentacije;
- neophodne dozvole (urbanističke, građevinske, priključne);
- dio građevinsko-zanatskih i elektromontažnih radova;
- vanjsko uređenje;
- nabavku informatičke i videoopreme.

Posebnu zahvalnost iskazujemo Visokom sudskom i tužilačkom vijeću Bosne i Hercegovine, koje je pružilo nesebičnu podršku i u kontinuiranoj saradnji sa Ministarstvom za pravosuđe i upravu bilo od samog početka priče o ovom projektu, zatim službama općinske uprave i općinskom načelniku, koji su ovaj projekt prihvatili kao projekt Općine Olovo, i u njegovom ostvarenju pružili nam stručne i efikasne usluge.

Uslovi u kojima će od sada raditi uposlenici Odjeljenja u Olovu Općinskog suda Visoko sigurno će biti bitan preduslov da se ovo i postigne.

Građani s pravom mogu očekivati efikasno i hvale vrijedno sudovanje Odjeljenja Suda u Olovu Općinskog suda u Visokom.



*Mirnes Bašić,*

*Ministar pravosuđa i uprave Zeničko-dobojskoga kantona*



### Predsjednik Općinskog suda u Visokom Enes Behlulović

Mjesto Olovo se počinje spominjati 1382. godine, prije svega kao nalazište rude olovo. Ovim područjima su vodili putevi trgovačkih karavana za Dubrovačku Republiku i Veneciju, o čemu postoje historijski dokazi.

Vremenom je Olovo postalo naselje koje je u novije vrijeme dobilo status općine. Pravosuđe u Olovu je u početku bilo vezano za srez Tuzlu, da bi u posljednjih 50-ak godina taj dio državne vlasti prešao u Sarajevo, zatim u Sokolac i na kraju u Zeničko-dobojski kanton.

Prvi put Općinski sud u Olovu osnovan 1994. godine, da bi reformom pravosuđa Sud bio ukinut, a formirano je Odjeljenje Suda u Olovu, sa sjedištem u Visokom. Zgrada u kojoj je smješteno Odjeljenje Suda u Olovu izgrađena je 1932. godine i potpuno je neuslovna za rad.

Zahvaljujući pristupu unapređenja rada pravosuđa i kontinuiranim zalaganjima VSTV-a BiH u ovom domenu, VSTV BiH je napravio listu prioritetnih objekata za renoviranje i izgradnju te je zgrada Suda u Olovu označena kao objekt u najlošijem stanju. S obzirom na to da nije bilo moguće rekonstruirati postojeću zgradu Suda zbog vrlo lošeg stanja, ovim projektom se pristupilo izgradnji potpuno novog prostora koji će služiti uposlenicima Suda, kao i građanima.

Za ovu namjenu VSTV BiH je izdvojio sredstva iz projekta „Unapređenje efikasnosti pravosuđa“, koji finansira Vlada Norveške u iznosu od cca 620.000 KM, dok je Vlada Zeničko-dobojskoga kantona, koja je također ovaj projekt ocijenila kao jedan od prioriteta u okviru nadležnosti Ministarstva za pravosuđe i upravu, planirala i kroz budžet osigurala značajna sredstva za sufinansiranje.

Radovi na izgradnji nove zgrade Odjeljenja Suda u Olovu započeli su u oktobru 2017. godine. Izgradnjom nove zgrade osigurat će se bolji uslovi za efikasniji rad Suda, te pružanje boljih i efikasnijih usluga građanima Općine Olovo. Nova zgrada Odjeljenja Suda ima prostorije za arhivu, funkcionalnu recepciju, sudnice, nove adekvatne urede za rad sudija i njihovih pomoćnika površine cca 600 m<sup>2</sup>.

Zbog toga izražavam zahvalnost Vladi Norveške što je pokazala spremnost da sarađuje sa Bosnom i Hercegovinom, Visokim sud-



*Enes Behlulović,*

*Predsjednik Općinskog suda u Visokom*

skim i tužilačkim vijećem, Vladom Zeničko-dobojskoga kantona i resornim Ministarstvom za pravosuđe i upravu Zeničko-dobojskoga kantona te Općini Olovo, koji su učinili sve da se stvori zakonski okvir za izgradnju ove pravosudne institucije, koja će nakon stavljanja u funkciju unaprijediti rad svih zaposlenih u ovoj instituciji a samim tim i vladavinu prava.



### Načelnik Općine Olovo Đemal Memagić

Općina Olovo je još 2012. godine podržala aktivnosti Visokog sudske i tužilačkog vijeća Bosne i Hercegovine usmjerene ka izgradnji nove zgrade Odjeljenja Općinskog suda u Visokom smještenog u Olovu.

U cilju uspješne realizacije projekta, Općina Olovo je pružala stručnu pomoć i zahtjeve Ministarstva za pravosuđe i upravu Zeničko-dobojskoga kantona rješavala efikasno, blagovremeno i ekonomično (od rješavanja imovinsko-pravnih odnosa do izdavanja potrebnih saglasnosti i dozvola).

Sretan sam što će puštanjem u rad novoizgrađenog objekta biti osigurani bolji uslovi za rad Odjeljenja Suda u Olovu i pružene bolje i efikasnije usluge građanima. Cilj Općine Olovo je da se Odjeljenje za zemljišnoknjižne poslove Općinskog suda u Visokom, odnosno zemljišne knjige za nekretnine s područja političke općine Olovo, iz Visokog „presele“ u Olovo.

Koristim priliku da se zahvalim Ambasadi Norveške u BiH, Visokom sudskom i tužilačkom vijeću Bosne i Hercegovine, Ministarstvu za pravosuđe i upravu Zeničko-dobojskoga kantona i Općinskom sudu u Visokom na dosadašnjoj uspješnoj saradnji i doprinosu na realizaciji projekta.



*Đemal Memagić,*

*Načelnik Općine Olovo*

## ▶ Kako je sve počelo

# Izgradnja nove zgrade Odjeljenja Općinskog suda u Visokom smještenog u Olovu

Odjeljenje Suda u Olovu smješteno je u zgradi izgrađenoj 1932. godine, koja je bila u izuzetno lošem stanju. Objekt je bio potpuno neuslovan za rad s obzirom na njegovu dotrajalost te nije zadovoljavao ni minimalne standarde za redovno poslovanje. Zbog stanja objekta bila je ugrožena sigurnost kako uposlenih tako i stranaka.

Postojeću zgradu zbog njenog stanja nije bilo moguće, niti finansijski isplativo rekonstruirati.

VSTV BiH je uradio procjenu fizičkog stanja svih pravosudnih objekata u Bosni i Hercegovini. Shodno rezultatima procjene, zgrada Odjeljenja Suda u Olovu bila je na samom vrhu liste prioriteta za ka-

pitalna ulaganja. Procijenjeno je da se objekt u Olovu može svrstati u najlošiji objekt u kojem se nalazi jedna pravosudna institucija.

Bez obzira na veličinu projekta i veličinu institucije, ova izgradnja simbolički predstavlja veliki napredak u pogledu poboljšanja uslova rada i pružanja boljih uslova građanima u Bosni i Hercegovini.

VSTV BiH je u više navrata pokušao osigurati sredstva za izgradnju novog objekta. Sva nastojanja ostala su neuspješna do proljeća 2017. godine kada je, na inicijativu VSTV-a BiH, Vlada Norveške podržala prijedlog da se putem projekta „Unapređenje efikasnosti pravosuđa II” izgradi i opremi nova zgrada Odjeljenja Suda.



Sastanak upravnog odbora





Stara zgrada



Stara zgrada - ulaz

## ▶ Memorandum o razumijevanju

Zahvaljujući podršci Općine Olovo te dobroj saradnji sa Ministarstvom za pravosuđe i upravu Zeničko-dobojskoga kantona, vrlo brzo nakon inicijative VSTV-a BiH, uslijedilo je i potpisivanje Memoranduma o razumijevanju u julu 2017. godine.





Zgrada suda u izgradnji



Hodnik - prizemlje



Zgrada suda u izgradnji





Zgrada suda u izgradnji





Zgrada suda u izgradnji



## ▶ Rezultati izgradnje

U okviru implementacije PUEP-a II provedeni su postupci izbora izvođača radova i stručnog nadzora. Izvođenje radova izvršila je firma Kolinvest Sarajevo, a stručni nadzor je vršila firma Safega Bosnia. Brzom realizaciji projekta doprinijela je već ranije izrađena projektna dokumentacija, koju je finansirala Vlada Zeničko-dobojskoga kantona te u najkraćem roku izdala sve potrebne dozvole za građenje. U cilju zaokruženja projekta izgradnje, Ministarstvo za pravosuđe i upravu Zeničko-dobojskoga kantona je finansiralo okolišno uređenje. Sada nova zgrada Odjeljenja Općinskog suda u Visokom smještenog u Olovu raspolaže sa oko 600 m<sup>2</sup> funkcionalno

organiziranog prostora. Dobilo je savremenu pisarnicu i arhivu, dvije moderne sudnice, nove sudijske urede, infrastrukturu predviđenu za osobe sa invaliditetom, novu pritvorsku jedinicu u sklopu prostorije Sudske policije, a kompletan prostor je opremljen novim namještajem. Također, Sud je dobio energetske efikasnu zgradu zahvaljujući dobroj stolariji, termoizolacijskoj fasadi, termoizolacijskom krovu i novom energetski efikasnom sistemu grijanja zgrade na pelet, koje je ujedno i ekološki prihvatljivo. Zgrada Suda predana je na korištenje sudijama i drugim uposlenim, a građani mogu očekivati kvalitativno pružanje usluga.



Zgrada suda u izgradnji



Arhiva - potkrovlje



Sudijski ured



Arhiva - potkrovlje





Daktilobiro




Stepenište



Daktilobiro



Server soba



Sudijski uredi





Prijemna kancelarija



Zemljišno - knjižni ured



Sudijski ured



Kotlovnica - peć na pelet



Nova tabla na ulazu



Hol - prizemlje



Lokacija - prije i nakon izgradnje





Visoko sudsko i tužilačko vijeće Bosne i Hercegovine  
Visoko sudbeno i tužiteljsko vijeće Bosne i Hercegovine  
Високи судски и тужилачки савет Босне и Херцеговине  
High Judicial and Prosecutorial Council of Bosnia and Herzegovina

